

MI J'T'AIMOUOS TANT !

Sur l'air de Dirty Old Town des Pogues

Adaptation de longue haleine : Jean-Marie François

J't'ai rincontrèe, t'étouos télmint belle,
J'én n'avouos mes zius pleins d'étoéles !...
J't'ai imbrassèe: lo ch'étoait l'printemps!...

Mi j' t'aimouos tant ! Mi t'aimouos tant !

Ti din mes bros, min tchoeur qui s'imballe...
Pi tu t'in vos, el long d'éch canal...
Un singne ed main, un bec / bé in partant !...

Mi j't'aimouos tant ! Mi j't'aimouos tant !

Partie pétète pour un eute eq mi,
Tu m'laiches lo, broéyé pi meurdri,
Pi ti tu ris, tu ris in m'tchittant !...

Mi j't'aimouos tant ! Mi j't'aimouos tant !

Tchèche qui crie, conme inne âme in pein-ne,

Conme un coeup d'coutieu din m'poétrin-ne ?

Oui, ch'est min tchoeur, ch'est min tchoeur battant !...

Mi j't'aimouos tant ! Mi j't'aimouos tant !

Chés nuées noérchies i much't el leune,
J'sus tout seu, din chés rues, perdu,
L'rêve involè: j'én n'ai brai longtemps !...

Mi j't'aimouos tant ! Mi t'aimouos tant !

Ej m'in vos tcheur inne boéne vieille boutéle,
Mette el fu, au fond d'em chervelle,
J'boés pi j't'oblîe, j'pinse à ti tout l'temps!...

Mi j't'aimouos tant ! Mi t'aimouos tant !

J't'ai rincontrèe, t'étoais télmint belle,
J'én n'avouos mes zius plein d'étoéles !...
J't'ai imbrassèe: lo ch'étoait l'printemps...

Mi j't'aimouos tant ! Mi j't'aimouos tant !...